



ՀԱՏԸՆՏԻՐ ՀԱՏՎԱԾՆԵՐ ԱՎԱԳ ԾԱԲԱԹՎԱ ԾԱՐԱԿԱՆՆԵՐԻՑ

ԾԱՐԱԿԱՆ ԾԱՂԿԱԶԱՐԴԻ

Թագաւոր գոյով քո յաշխարհ,
Մըտեր ի քաղաքն Երուսաղէմ,
Նստեալ ի վերայ հողեղէն մոր յաւանակի,
Կոչել զհեթանոսս յերկրպագութիւն:

Ծերքն ոստովք ձիթենեօք
Եւ տղայքն ոստովք արմաւենեօք,
Եւ երամ երամ դասութն աղաղակէին,
Ովսաննա՝ օրհնեալ եկեալ ի յանունըն
Տեանն:

Ցընծացաւ սուրբ Սիոն.
Բերկրեցան սուրբ եկեղեցիք,
Եւ խնդրութեամբ բազմաւ ելին ընդ առաջ.
Օրհնէին զգալուստ քո Փրկիչ յաշխարհ:

Յորժամ եկըն Յիսուս յերուսաղէմ ի
քաղաքն,
Ընդ առաջ ելին ծերքն ոստովք ձիթենեօք,
Եւ զԱստուածորդին փառաւորէին:

Ի լեռնէն ձիթենեաց տարածանէին
Մանկունք զհանդերձս իրեանց.
Եւ ոստս ի ծառոց բերեալ մատուցանէին
Աստուածորդոյն՝ սուրբ Թագաւորին:

Ոստովք և տերևեալ ձիթենեօք
Եբրայեցոց մանկունքն օրհնէին.
Ուրախ լէ՛ր, Երուսաղէմ քաղաք,
Եւ ցնծա՛ Սիոն, Մայր եկեղեցի:

ԾԱՐԱԿԱՆ ԴՌՆԲԱՑԷՔԻ

Ընորհեա՛ մեզ, Տէ՛ր, արթնութիւն ընդ իմաստուն կուսանացն.
Եւ զհոգոց մերոց լապտերըս պայծառացո՛ւ:

Երկնչիմք ի քէն, Տէ՛ր, զարհուրեալք ի պատասխանոյն,
Զամէնն ասելով եթէ ոչ գիտեմ ըզձեզ:

Յորժամ գաւ փառօք Հօր դատել զտիեզերս ամենայն,
Ընորհեա՛ և մեզ, Տէ՛ր, կալ ի յաջմէ քումմէ:

Բացցի մեզ դուռն ողորմութեան երկնաւոր Փեսային,
 Եւ մտցուր ի յառազաստ ընդ իմաստուն կուսանսն:
 Ժամանեցուք ընդ առաջ Փեսային և մըտցուր ի յառազաստ նորա,
 Զի մի՛ մնասցուք արտաքս, որպէս գլխար կուսանսն:
 Պայծառասցին լապտերք հոգւոց մերոց և բազմեցուցես ըզմեզ
 Ընդ հրաւիրեալսն ի կոշումն արքայութեանն երկնից:

ՇԱՐԱԿԱՆ ՈՏՆԼՈՒԱՅԻ

Այսօր կանգնեցաւ աւագան մկրտութեան
 Ի թողութիւն մեղաց մերոց:
 Այսօր Տէրըն մեր լրամայր զոտս աշակերտացն
 Եւ պատուիրէր զայս սուելով.
 Մի ոմն ի ձէնջ, եղբարք, մատնելոց է զիս ի ման,
 Եւ որոշի յաշակերտացոյ:
 Զայն լըեալ Պետրոսի ակնարկէր առ Յովհաննէս՝
 Հարցանել թէ ո՞վ իցէ:
 Բանըն զոր ասաց Յիսուս՝ տըրտմեցոյց զիւր զաշակերտսն.
 Եւ խոովեցան ամենեքեան:

ԳԱՆՁ ՈՏՆԼՈՒԱՅԻ

Այս խորհուրդ լըցաւ.
 Անդ գուշակեցաւ.
 Աստ կատարեցաւ:
 Աստուած մարդացաւ.
 Ընդ օրինօք մըտաւ.
 Բահանայացաւ:
 Նոր խորհուրդ բացաւ.
 Որ ի ծունկս անկաւ.
 Ղենջակ ըստիածաւ:
 *
 * *
 Սիրտ իմ սասանի.
 Սարսափ զիս ունի.
 Վասըն Յուդայի:
 Նա ո՛չ ամաչէ,
 Եւ ո՛չ զարհուրի,

Սիրողն արծաթի:
 Նոր սեղան դընի.
 Եւ հաց բաղարջի.
 Եւ անապակ գինի:
 *
 * *

Տէր իմ, արծանի
 Արա՛ ըզմեզ հացի,
 Քո սուրբ սեղանի:
 Աստուածն ամենի, Միածին Որդի,
 Կամաւ Հօր Հոգւոյն ճշմարտի, լերկիր
 խոնարհի:
 Յընծասցուք հոգւով, զնոյն ճաշակե-
 լով.
 Փառք Հօրըն տացուք, և Հոգւոյն,
 Միածնի մարմնով:

Ս. ՍԱՀԱԿ ՊԱՐԹԵԻ

ԿԱՆՈՆ ՄԵԾԻ ՇԱԲԱԹՈՒՆ ԹԱՂՄԱՆ ՏԵԱՌՆ ՅԻՍՈՒՍԻ

Պարգևատուն ամենեցուն, այսօր խընդրի պարգևս ի Պիղատոսէ.
 Եւ արկողն ըզլոյս որպէս զօթոց հաւանի պատիլ ի Յովսէփայ:
 Կենդանատուն ամենեցուն, այսօր դընի ի նոր գերեզմանի.
 Եւ գանձն անմահութեան կընքի մատանեաւ քահանայիցն:
 Արարածոց փրկութիւն Բրիստոս, այսօր եղաւ ի նորափոր վիմի.
 Զոր օրհնեն զօրք երկնից՝ երգով պահպանի ի զինուորացն:

Կենդանին յափտենից Քրիստոս, այսօր խընդրի որպէս մեռեալ ի Պի-
ղատոսէ:
Եւ մերկութեան ծածկոյթն Արամայ յանձն առնու պատիլ ի Յովսէփայ:
Անմահութեանց տուող Քրիստոս, այսօր ի հող մահու խոնարհեցաւ:
Եւ բնակեալն ի լոյս անմատոյց, թաղեցաւ մարմնով ի սիրտ երկրի:
Արեգակն արդարութեան Քրիստոս, այսօր եղաւ ի գբի ստուերականի:
Եւ փառացըն Հօր ճառագայթ, ծածկեցաւ վիմով ի մէջ երկրի:
Կուսածին մարմնով Քրիստոս, այսօր դընի ի կոյս գերեզմանի:
Եւ լուծիչն երկանց դժոխաց, մատանեաւ կընքի քահանայիցն:
Արթուն բնութեամբ Արարիչն ամենեցուն, այսօր նընջէ ի մէջ մահացելոց:
Որ պահէն զհարալէլ անքուն՝ պահպանի ի զինուորացն:

ՆԵՐՄԷՍ ԼԱՄԲՐՈՆԱՅԻ

ԿԱՆՈՆ ՍՐԲՈՅ ԶԱՏԿԻՆ

Այսօր յարեաւ ի մեռելոց Փեսայն անմահ և երկնաւոր:
Քեզ աւետիք խնդութեան, հարսն ի յերկրէ եկելեցի:
Օրհնեա՛ ի ձայն ցընծութեան, զԱստուած քո Սիոն:
Այսօր անճառ լոյսն ի լուսոյ, լուսաւորեաց զմանկունըս քո:
Լուսաւորեա՛ Երուսաղէմ. քանզի յարեաւ լոյս քո Քրիստոս:
Օրհնեա՛ ի ձայն ցընծութեան, զԱստուած քո Սիոն:
Այսօր խաւարն անգիտութեան հալածեցաւ երբեակ լուսովն:
Եւ քեզ ծագեաց լոյս գիտութեան յարուցեալն ի մեռելոց Քրիստոս:
Օրհնեա՛ ի ձայն ցընծութեան, զԱստուած քո Սիոն:
Այսօր Զատիկ մեր զենմամբ Քրիստոսի
Արացոյք Տօն ցընծութեամբ,
Նորոգեալքս ի հնութենէ մեղաց ասելով:
Քրիստոս յարեա՛ ի մեռելոց:
Այսօր հրեշտակըն լուսափայլ ի յերկնից իջեալ
Զարհուրեցոյց զպահապանն:
Եւ սուրբ կանանցըն քարոզէր ասելով:
Քրիստոս յարեա՛ ի մեռելոց:

ՏԱՂ ՅԱՐՈՒԹԵԱՆ

Գովեա՛, Երուսաղէմ, ըզՏէր:
Յարեա՛ Քրիստոս ի մեռելոց, ալէ՛լուիա:
Եկայք ծողովորդք, երգեցէք Տեառն,

ալէ՛լուիա:
Յարուցելոյն ի մեռելոց, ալէ՛լուիա,
Որ զաշխարհըս լուսաւորեաց, ալէ՛լուիա:

ՏԱՂ ՅԱՐՈՒԹԵԱՆ

Ի գերեզման յարուցելոյն Անմահին,
Այսօր գոչէ հրեշտակն երկնային,
Յարեա՛ Քրիստոս, զարթեա՛ Քրիստոս,
Ի կո՛յս գերեզմանէն, ի լո՛յս գերեզմանէն:
Պահապանքըն զարհուրեցան ի յահէն:
Քանզի ի կոյս ի նորափոր տապանէն,

Յարեա՛ Քրիստոս, զարթեա՛ Քրիստոս,
Ի կո՛յս գերեզմանէն, ի լո՛յս գերեզմանէն:
Առ սուրբ վիմին նստեալ գոչէր հրաշալին,
Խալաքերքն քարոզելով ծաղկէին,
Յարեա՛ Քրիստոս, զարթեա՛ Քրիստոս,
Ի կո՛յս գերեզմանէն, ի լո՛յս գերեզմանէն:

ԳՐԻԳՈՐ ՆԱՐԵԿԱՅԻ

ՏԱՂ ՅԱՐՈՒԹԵԱՆ

Փառք Քրիստոսի ամենագոր յարութեան:

Սալլն այն իջանէր ի լեռնէն ի Մասեաց,
 և ի վերայ նորա աթոռք են կարգեալ,
 և ի վերայ նորա գահոյք ոսկեղէնք,
 և ի վերայ նորա բեհեզք ծիրանիք,
 և ի վերայ նորա որդի արքայի,
 և յաջմէ նորա վեցթեան սերովքէքն,
 յահեկէ նորա բազմաշեայ քերովքէքն,
 առաջի նորա մանկունք գեղեցիկ,
 ի գիրկս նոցա խաչն տէրունական,
 ի ձեռնն նոցա սաղմոսարան և քնար,
 որք երգէին և ասէին՝

Փառք Քրիստոսի ամենագոր յարութեան:

Ածեալ են ածեալ զսալիկն,

ածեալ են կացուցեալ.

և ահա չշարժէր սալիկն այն,

և ահա չխաղայր անին այն:

Եթէ հարիւր բարդ խորձան, վեց կորնկան,
 մին մանուշակ խրձադիգեալ.

ի Մասեաց յաջ կողմանէն

սալիկն ածեալ են կացուցեալ,

և ահա չշարժէր սալիկն այն,

և ահա չխաղայր անին այն:

Եթէ սամիքն են արծաթի, լուծն էր ոսկի,

և սամոտիքն ապրիշիմի.

փոկեր շարած շարանման հոյլ մարգարիտ.

և ահա չշարժէր սալիկն այն,

և ահա չխաղայր անին այն:

Այն ճորտն ճոճ էր և ճապուկ,

ռուսմիջակ, հաստաքազուկ,

լայնաթիկունք, խարտիշագեղ, ահեղագոչ,

նա ձայն ածէր եզնամոլին,

կանչին առնէր աթոռակին:

Եթէ եզինքն են սաթ ու սպիտակ,

ծաղկախաղտուցք, արագաքայլք, ընթացականք,

եղջիրն ամէն խաչանման,

և մազն ամէն հոյլ մարգարիտ.

և ահա շարժէր սալիկն այն,

և ահա խաղայր անին այն:

Ի յառեղէն առեալ շարժումն կործն սալին,

նա ձայն ածէր եզնամոլին:

Սալլն ի Սինեայ երկրորդ օրէնքն էր Մովսէսի.

Եւ այն հարիւր բարդ խորձանն՝

այն նահապետքն են՝ մարգարէք.

Եւ այն վեց բարդ կորնկանն՝

վեցօրեայ գործքն Աստուծոյ.
 Եւ այն մին մանուշակ՝
 միաւորեալ Երրորդութիւնն:
 Եւ այն մանուկ խարտիշագեղն՝
 այն Յովհաննէսն էր Մկրտիչն.
 Եւ այն չորս կուրծն սալիկն՝
 Աւետարանն էր Քրիստոսին:
 Ի գիւ գայր ի գիւ, սալիկն ի գիւ
 ի Մասեաց յաջ կողմանէն՝
 սալիկն ի գիւ գայր ի գիւ
 և ճոնչալով գայր մտանէր յԵրուսաղէմ,
 և որդիք նոր Սիովնի նոր երգէին զայս ասելով.
 Փառք Քրիստոսի ամենազօր յարութեան:

